

Տ Ր Տ ՈՒ Ն Ջ

Օրերս անպտուղ, տխուր, ձանձրալի,
Ու գընում եմ ես ունայն տրտունջով
Իմ սիրած մարդկանց, իմ լաւ յոյսերի
Գերեզմանների շարքերի միջով:

Թաղել եմ նրանց, տխուր է ճամբան,
Եւ իմ հարազատ աշխարհքում՝ օտար,
Օտար ու մենակ անցուորի նման,
Որ չունի ընկեր, ոչ տեղ ու դադար:

Օտար եմ շուրջըդ, ու չեմ հասկանում
Ոմանք քո վիշտը, ոմանք քո լեզուն,
Անտարբեր գալոց երջանիկ օրին՝
Ձգիտեմ նրա կարօտը անբուն...

Չնչի՞ն մարդուկներ, լրբօրէն հանգիստ,
Անսիրտ, փռքրոգի, գըծծի ու կոպիտ.
Մեռնում եմ, մարում նրանց հայեացքից
Ե՛ւ հոգու ձըգտում, ե՛ւ սրտի ժպիտ:

Էլ ո՞ւմ առաջին սիրտըդ բաց անես,
Ո՞ւմ համար երգես սըրտալի երգեր,
Ո՞ր չըքին սիրես, կեանքըդ նուիրես,
Էլ ի՞նչպէս ապրես անսէր, անընկեր...

Եւ օրերս այսպէս տխուր, ձանձրալի,
Ու գընում եմ ես ունայն տրտունջով
Իմ սիրած մարդկանց, իմ լաւ յոյսերի
Գերեզմանների շարքերի միջով:

ՅՈՎՀԱՆ. ԹՈՒՄԱՆԵԱՆ